

Malamalama i Tuutuuga o le Fair Pay Taiala faigofie mo tagata faigaluega

O le auga tonu o Tuutuuga o le Fair Pay

E avea Fair Pay Agreements (FPA) e tuufaatasia iuni ma asosi o pule o galuega i totonu o se matātā e faia se maliega o tuutuuga mauualalo tau galuega mo tagata faigaluega uma o aofia i se matātā po o se galuega. O lona uiga e faia se feiloaiga a sui a le tagata faigaluega ma le pule o le galuega e faatalanoa ma malilie i tuutuuga o se galuega ua fai.

E tatau i se Tuutuuga o le Fair Pay ona aofia ai tagata o aofia i se FPA; itula masani; aofaiga mauualalo o tofogi, e aofia ai ovataimi ma faasalaga; aoaoga tau tomai ma atinaega; o le aofaiga o aso mālōlō e agavaa ai se tagata faigaluega; ma le umi e aogā ai se FPA.

O le faagasologa o le Fair Pay Agreement



Tau amataina mai: E amata faagasolo le faiga o se FPA pe a faamaopoopo e se iuni faamaoniga o moomia ma faamauina o se vaega o talosaga e tuuina atu i le Ministry of Business, Innovation & Employment (MBIE). Afai e talia, ona faasolo lea o se maliega.



Faia o se maliega: E umi se taimi faatoa maua se maliega o itu uma e tusa ma tuutuuga o se galuega ua malilie uma i ai.



Palota (ta'ua foi o le faamaoniga aloaia): O le taimi lava ua maua ai se maliega o itu uma e lua, ona mafai lea e tagata faigaluega ma pule o galuega e agavaa ai ona palota pe faamata ua malilie i tuutuuga pe leai.



Faamausali se Fair Pay Agreement: Afai o le toatele o itu uma e lua na malilie i tuutuuga ua faataatia, ona faamausali loa lea o se FPA ma avea ai ma tulafono.

E eseese tiute ma matafai oi a tagata faigaluega, pule o galuega ma sui o itu uma o faia maliega i le faagasologa o se maliega.

O ai o avea ma sui o nisi i le vaietimi o faia ai se maliega

- › O le itu e faia se maliega mo le tagata faigaluega: E faia e (le) iuni e agavaa se maliega o se FPA mo tagata faigaluega uma o aofia i se FPA ua faatūina. E lē moomia le avea o oe ma sui lesitala o se iuni mo lea tulaga.
- › O le itu e faia se maliega mo pule o galuega: Asosi o pule o galuega e agavaa, e aofia ai asosi tau matātā, ma e mafai ona faia se maliega mo le itu o pule o galuega.
- › E tatau i itu uma o faia se maliega ona faatino tulaga uma e iloga ai tagata Māori i le faagasologa o se maliega. E aofia ai le sailia ma iloilo manatu faaalua mai sui o tagata faigaluega/pule o galuega Māori ma silasila i tulaga e talafeagai ai ona iai se sui o Māori o aafia i tualumaga o le faiga o se maliega.

E iai aiatatau o tagata faigaluega o aofia i se Fair Pay Agreement ua faatūina i le faagasologa atoa o se FPA. E aofia ai le faailoa atu o tulaga lata mai o se maliega, o se avanoa e faaali ai sou manatu, po o le palota ai. E iai foi lau aiatatau e te lē auai ai i le faagasologa ua fai.

IOE, OU TE FIA AUAI:

Lagolagosua e amata ai se FPA

- ✓ E manao se iuni ia atoa le 10% po o le 1,000 o tagata faigaluega e lagolagoina se FPA ua faatūina pe a faia se talosaga. E ono faafesootai atu oe mo le fia maua o faamatalaga e faafesootai atu ai & faamatalaga auililili o le galuega.

Ua talia se talosaga mo se FPA

- ✓ O le a avatu e lau pule o le galuega faamatalaga e te iloa ai o loo fia faatū le faia o se FPA e aofia ai lau galuega.
- ✓ Se'i vagana ua e filifili e lē auai ai, o le a tuuina atu e lou pule o le galuega faamatalaga e faafesootai atu ai oe e le iuni e tusa ma tulaga ua oo i ai taualumaga o fai.
- ✓ E lē moomia ona e lesitala i se iuni.
- ✓ Faatoa faaoga faamatalaga nei e faailoa atu ai tulaga ua oo i ai.

Tuutuuga ma aiaiga o se maliega

- ✓ O le a e maua faamatalaga i le vaiatai atoa o faagasolo ai taualumaga, e mafai ona filifili e te auai i le 2 x zitula totogi o se fonotaga, ma e faafesootai atu oe e se sui o le iuni i le tulaga lea.

Fai lau palota i le taimi lava ua maua ai se maliega o itu uma i tuutuuga o se galuega

- ✓ E palota e tagata faigaluega e agavaa ai tulaga o se FPA. E faapena foi i pule o galuega.
- ✓ Afai e te lē fia auai pe e te lē palota foi i le laasaga lenei, e mafai ona e faatumu le pepa e faamaonia ai e te lē fia auai ma avatu le pepa i lou pule o lau galuega. Ona talosaga lea e lou pule le iuni e aveese faamatalaga e faafesootai atu ai oe.

LEAI, OU TE LE FIA AUAI:

Filifilia e lē auai i le faagasologa o taualumaga o fai

- ✓ E lē moomia sau faatagana e avatu ai au faamatalaga tau fesootaiga i le itu o tagata faigaluega o faia se maliega.

Ua talia se talosaga mo se FPA.

- ✓ E moomia e lou pule o le galuega ona faailoa atu ia te oe le faatūina o se FPA o loo aofia ai lau galuega. O le a e maua se imeli.
- ✓ O le a tuuina atu e lou pule o le galuega se pepa e 'lē auai' ai. Afai e te lē fia auai i le faagasologa o faia, e mafai ona e filifili e te 'lē auai' pe a e maua faamatalaga po o le faia o lau palota i tuutuuga ma aiaiga.
- ✓ E faamauina e lou pule o le galuega pepa e 'lē auai' ai. E lē faailoa atu faamatalaga e patino ia te oe.

Tuutuuga ma aiaiga o se maliega

- ✓ Tusa lava pe afai e te lē o manao e te auai, e iai pea le sui o tagata faigaluega e faia se maliega mo tagata faigaluega uma o aofia.

Fai lau palota i le taimi lava ua maua ai se maliega o itu uma i tuutuuga o se galuega

- ✓ E ono mafai e tagata faigaluega uma e agavaa ona palota i tuutuuga o le FPA tusa lava pe afai e lei aafia i le faagasologa muamua o le FPA.

A mausali loa se Fair Pay Agreement, o lona uiga e faatatau le FPA i tagata faigaluega uma o aofia

Tusa lava pe afai ua e manao e te lē auai i le faagasologa o le maliega, afai lava o le tele o lau galuega o loo aofia i le FPA ma ua mausali ma avee ai ma tulafono e lē aveesea ai lou maua o tuutuuga ua faataatia atu i le FPA.

O pule o galuega uma o aofia i le FPA e tataua ona latou faamautinoa o tuutuuga ua aloaia i maliega tau galuega mo tagata faigaluega uma o aofia, e tutusa lea ma tuutuuga pe sili atu foi ma tuutuuga o faataatia atu i le FPA.

Mo nisi faamatalaga:

Mo nisi faamatalaga e uiga i Fair Pay Agreements ma isi faamatalaga e fesootai i galuega faamolemole tagai i le www.employment.govt.nz/fair-pay-agreements

E lē noatia ai: Ua na o se taiala faamatalaga nei, e lē o ni faamatalaga faatulafonoina, ma e lē tataua ona suia ai fautuuga faaletulafono po o faaupuga o faamauina i le Fair Pay Agreements Act 2022. E lē taliaina e le MBIE se tuua'iga po o se noataga o se faamatalaga moni ua sese na faamatalaina, faaliliuina po o manatu e afua mai ai, ma e lē tuua'ia foi mo ni tulaga e aliae ona o ni faaiuga na faavae i luga o faamatalaga nei.